



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-14-57-17/19
Sarajevo, 10.10.2019. godine

Postupajući po Rješenju Ureda za razmatranje žalbi Bosne i Hercegovine, Filijala Mostar, broj: JN2-03-07-1-1988-8/19 od dana 03.10.2019. godine, a na osnovu člana 111. stav (1) tačka d) i člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), u postupku javne nabavke roba: „Vatrogasna oprema“, Direktor Kantonalne uprave civilne zaštite Kantona Sarajevo, *donosi*

ODLUKU
O PONIŠTENJU POSTUPKA JAVNE NABAVKE

Član 1.

Postupajući po Rješenju Ureda za razmatranje žalbi Bosne i Hercegovine, Filijala Mostar (u daljem tekstu – URŽ), broj: JN2-03-07-1-1988-8/19, ugovorni organ poništava postupak javne nabavke roba: „Vatrogasna oprema“, u skladu sa članom 111. stav (1) tačka d) Zakona o javnim nabavkama ("Službeni glasnik BiH" broj: 39/14).

Član 2.

Za realizaciju ove Odluke zadužuje se i ovlašćuje imenovana Komisija u postupku javne nabavke roba: „Vatrogasna oprema“ i Sektor za ekonomske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, (www.kucz.ks.gov.ba).

Član 4.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-14-57/19 od 17.05.2019. godine.

Predmetni postupak nabavke je sproveden putem Konkurentskog zahtjeva za dostavu ponuda.



Procijenjena vrijednost javne nabavke bez PDV-a je do 10.000,00 KM.

Komisija za nabavku je imenovana Odlukom, broj: 06-14-57-1/19 od 17.05.2019. godine.

Tenderska dokumentacija za predmetni postupak javne nabavke objavljena je dana 06.06.2019. godine na Portalu javnih nabavki..

Obavještenje o nabavci, broj: 282-7-1-29-3-9/19 objavljeno je dana, 06.06.2019. godine na Portalu javnih nabavki, kao i tenderska dokumentacija za predmetni postupak javne nabavke u sistemu „E-nabavke“, dok je poziv za preuzimanje tenderske dokumentacije u sistemu „E-nabavke“ isti dan poslala na adresu tri ponuđača.

Ugovorni organ je zaprimio ukupno 4 (četiri) ponude i dana 17.06.2019. godine pristupio otvaranju ponuda.

Dana 20.06.2019. godine ugovorni organ je donio Odluku o izboru najpovoljnijeg ponuđača, broj: 06-14-57-7/19 od 20.06.2019. godine, kojom je izabran „Firing“ d.o.o. Visoko za najpovoljnijeg ponuđača u predmetnom postupku javne nabavke i isti dan obavjestio sve ponuđače koji su predali ponudu.

Ugovorni organ je dana, 01.07.2019. godine zaprimio žalbu ponuđača „Financ“ d.o.o. Mostar, putem punomoćnika advokata iz Sarajeva, Nezirić Sanela, na Odluku o izboru najpovoljnijeg ponuđača, broj 06-14-57-7/19 od 20.06.2019. godine.

Dana 04.07.2019. godine, ugovorni organ je donio Zaključak, broj: 06-14-57-13/19 od 04.07.2019. godine, kojim se žalba ponuđača „Financ“ d.o.o. Mostar izjavljena na Odluku o izboru najpovoljnijeg ponuđača, broj 06-14-57-7/19 od 20.06.2019. godine, odbacuje u cjelosti kao neblagovremena.

Ugovorni organ je dana 05.07.2019. godine zaprimio žalbu ponuđač „Financ“ d.o.o. Mostar na navedeni Zaključak i prosljedio navedenu žalbu sa izjašnjenjem URŽ-u dana 09.07.2019. godine.

Dana 06.08.2019. godine, ugovorni organ je zaprimio Rješenje URŽ-a, broj: JN2-03-07-1-1988-8/19 od 03.10.2019. godine, kojim se usvaja žalba ponuđača „Financ“ d.o.o. Mostar i poništava se Zaključak, broj: 06-14-57-13/19 od 04.07.2019. godine te predmet se vraća ugovornom organu na ponovni postupak.

Ugovorni organ je dana 08.08.2019. godine poslao izjašnjenje na žalbu URŽ-u na navode žalbe ponuđača „Financ“ d.o.o. Mostar, na Odluku o izboru najpovoljnijeg ponuđača, broj 06-14-57-7/19 od 20.06.2019. godine i isti dan obavjestio ponuđače da se obustavlja postupak predmetne nabavke dok se ne završi postupak po žalbi, te da će biti blagovremeno obaviješteni o novom roku za prijem i otvaranje ponuda i tu obavijest objavio na svojoj web stranici (www.kucz.ks.gov.ba).

Dana 07.10.2019 godine, ugovorni organ je zaprimio Rješenje URŽ-a, broj: JN2-03-07-1-1988-8/19 od 03.10.2019. godine, u predmetnom postupku javne nabavke, u kojem je URŽ rješavajući po žalbi od dana 06.08.2019. godine žalitelja „Financ“ d.o.o. Mostar zastupanog po punomoćniku Sanelu Neziriću iz Sarajeva nalažio ugovornom organu da poništi Odluku o izboru



najpovoljnijeg ponuđača, broj: 06-14-57-7/19 od 20.06.2019. godine, tendersku dokumentaciju u postupku javne nabavke roba: „Vatrogasna oprema“, Obavještenje o nabavci, broj: 282-7-1-29-3-9/19 od 06.06.2019. godine i sve akte donesene tokom postupka javne nabavke.

S tim u vezi, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove iste.

Žalba se izjavljuje Uredu/Kancelariji za razmatranje žalbi Bosne i Hercegovine, putem Ugovornog organa, u pisanoj formi direktno ili preporučenom poštanskom pošiljkom na adresu: Ul. Fehima ef. Čurčića br.1, 71000 Sarajevo. Žalba se podnosi u najmanje 3 (tri) primjerka.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Učesnicima u postupku javne nabavke
- Sektor za ekonomske poslove KUCZ KS
- a/a



